

MAGBATASAN SA PAGPAHIMULOS NI CRISTO NGA KAHUY SA KINABUHI

Mensahe 6

Mahimong Hulad ni Cristo nga Kahoy sa Kinabuhi aron Mangalagad og Kinabuhi

Basahong Kasulatan: Juan 1:4; 12:24; 15:1, 4-5; 1 Juan 5:16; 2 Cor. 4:12

- I. Sa pamatigayon sa Dios dili lang ta mga mangangaon sa kahoy sa kinabuhi, kondili mga sanga sab ning kahoya, ug sa kapulihay mahimo tang gamayng kahoy sa kinabuhi, nga hulad ni Cristo nga kahoy sa kinabuhi—1 Ped. 2:21; Juan 1:4; 12:24; 15:1, 4-5:**
- A. Tuyo sa Dios nga mahimong hulad ni Cristo, nga Dios-tawo, ang tanang magtutuo ni Cristo—12:24; Rom. 8:29:
 - 1. Aron mahimong hulad ni Cristo ipanganak gyod ta pag-usab sa pneumatikong Cristo diha sa atong espiritu ug unya hinayhinayng transpormahon Niya diha sa atong kalag—Juan 3:6; 2 Cor. 3:18.
 - 2. Mahimo tang hulad ni Cristo pinaagi sa kahikayang naglambigit sa kadato sa diosnong kinabuhi nga gipaambit kanato ug nasinati nato—Efe. 3:8; Col. 3:4, 10-11.
 - 3. Aron mahimong hulad ni Cristo nga atong sumbanan, mosinati gyod ta ni Cristo nga nagpuyo sa sulod nato, gihulma sa sulod nato, ug nagbalay sa atong kasingkasing—Gal. 2:20; 4:19; Efe. 3:16-17.
 - 4. Sa mahimo tang hulad ni Cristo, diha-dayon ikinabuhi nato Siya pinaagi sa madagayaong sangkap sa Iyang Espiritu—Fil. 1:19, 21.
 - B. Sa Genesis 2:9 bugtong-talagsaon ang kahoy sa kinabuhi, apan gitanom na kanato ang kahoy sa kinabuhi ug nagtubo sa sulod nato, naghimo natong gamayng kahoy sa kinabuhi.
- II. Isip hulad ni Cristo nga kahoy sa kinabuhi, naa tay pagpangalagad sa kinabuhi—1 Juan 5:16; 2 Cor. 4:12:**
- A. Kay mga magtutuo man ta ni Cristo ug mga anak sa Dios, dili lang nga naa tay kinabuhing walay kataposan ug makasinati niini, kondili ikapangalagad sab nato kining kinabuhia ngadto sa ubang bahin sa Lawas ni Cristo—1 Juan 5:11-16.
 - B. Ang pagpangalagad og kinabuhi pagpaambit mag kinabuhi; kon duna tay kapin nga kinabuhi, makapangalagad ta gikan ning sangkapa ngadto sa uban—1:1-2; 2:25; 5:11-13, 16.
 - C. Ang pag-alagad diha sa iglesia pag-alagad man nga nangalagad og kinabuhi—pag-alagad nga nagsangkap og diosnong kinabuhi sa uban—2 Cor. 4:12:
 - 1. Masilsil gyod unta sa atong panumdoman kining puntoha ug mangamuyo sa Ginoo nga mahimo untang gul-anan alang sa Iyang kinabuhi ang pag-alagad nato—Juan 11:25; 1 Juan 1:2.
 - 2. Naa sa Espiritu ang kinabuhing isangkap nato sa uban, nasagol ang Espiritu sa atong espiritu, ug nahimutang, nagpabilin, ug nagtubo ang kinabuhi sa Dios diha sa nasagol nga espiritu—1 Cor. 15:45; 6:17; Rom. 8:4:
 - a. Kon buot tang makasangkap sa mga balaan og kinabuhi, ipagula gyod nato ang atong espiritu, kay naa man sa atong nasagol nga espiritu ang diosnong kinabuhi—7:6; 1:9.

- b. Kon dili makagula ang atong espiritu, dili gyod makagula ang diosnong kinabuhi—8:10.
- D. Kon buot tang magkinabuhi isip hulad ni Cristo nga kahoy sa kinabuhi, kinahanglan nga lalom gyong masilsil sa atong panumdoman ang panginahanglan nga makapangalagad tag kinabuhi—1 Juan 5:11-16:
 - 1. Ang pag-alagad nga gusto sa Dios kanato wala masentro sa pagbuhat kondili sa pagpangalagad og kinabuhi—v. 16.
 - 2. Aron makapangalagad og kinabuhi sa uban, kinahanglan madugtong ta ni Cristo, magpabilin ni Cristo, ug hatagan Siya sa sukaranan nga makapuno nato aron mahimong kinabuhi, kinaiya, mga gusto, ug hilig nato ang Iyang kinabuhi, kinaiya, mga gusto, ug hilig—2:27; Efe. 3:16-17.
- E. Ang pagpangalagad og kinabuhi pagkaanaa may pag-awas sa kinabuhi; ang pag-alagad nato pag-agay man sa Dios aron sangkapan ang uban sa diosnong kinabuhi—Juan 19:34; 7:37-39:
 - 1. Ang kinabuhi maoy sulod sa Dios ug pag-agay sa Dios; ang sulod sa Dios mao ang pagkamao Niya, ug ang pag-agay Niya mao ang pagpaambit sa Iyang Kaugalingon isip kinabuhi kanato—Efe. 4:18; Bug. 22:1.
 - 2. Aron makagula ang kinabuhi gikan sa atong espiritu, batokan ug dugmokon gyod ang atong tawo sa gawas—2 Cor. 4:16; Heb. 4:12:
 - a. Kon dili madugmok ang atong tawo sa gawas, dili gyod putling makaagay ang diosnong kinabuhi—Juan 7:38.
 - b. Kon buot tang makagula ang diosnong kinabuhi gikan sa sulod nato, kinahanglan mabuntog ta diha sa atong kalag, ug padominahon ug pabut-on ang atong espiritu sa tanang butang; makaagay na dayon ang kinabuhi sa Ginoo—Efe. 3:16-17.
 - 3. Ang pag-agay sa kinabuhi nagkinahanglan nga mausa ta ni Cristo sa Iyang kamatayon nga nagpagula-sa-kinabuhi; pagkausa kini sa gihampak nga Cristo nga gihulagwayan sa batong gihampak—Juan 19:34; Exo. 17:6:
 - a. Mausa ngani ta ni Cristo nga batong gihampak, moagay gikan nato ang diosnong kinabuhi nga buhing tubig—v. 6; Juan 7:38.
 - b. Hampakon gyod ang atong tawhanong kinabuhi, natural nga kinabuhi, aron makaagay ang buhing tubig gikan sa sulod nato—2 Cor. 4:10-11, 16.
 - c. Kon nausa ta sa gihampak nga Cristo, masinati nato ang pagkalansang sa krus sa atong natural nga kinabuhi, ug unya maingon nga niagay ang diosnong kinabuhi ni Cristo ingon nga buhing tubig pinaagi sa paghampak sa Iyang tawhanong kinabuhi, masinati sab nato ang pag-agay sa tubig sa kinabuhi pinaagi sa paghampak sa atong natural nga kinabuhi—vv. 10-12.
- F. Kon buot tang mangalagad og kinabuhi sa uban, kinahanglan masayod ta sa pangataki sa kamatayon, sa mga ganghaan sa Hades, sa iglesia—Mat. 16:18; Rom. 5:17:
 - 1. Maila ang iya sa Dios pinaagi sa kinabuhi, ug ang iya ni Satanas, sa kamatayon; diha sa iglesia, kinabuhi ang tanang naggikan sa Dios, ug kamatayon ang tanang naggikan ni Satanas—Juan 11:25; Heb. 2:14.
 - 2. Ang kinadak-ang gikahadlokan ni Satanas kalabot sa iglesia mao ang pagsukol niini batok sa iyang gahom sa kamatayon—2 Tim. 1:10.
 - 3. Makadaog sa kamatayong naa nato ug sa ubang bahin sa iglesia ang kinabuhing walay kataposan sa sulod nato—1 Juan 5:11-13, 16.
 - 4. Isip hulad ni Cristo nga kahoy sa kinabuhi, mosinati gyod ta sa kinabuhing walay kataposan ug ipangalagad kining kinabuhia ngadto sa uban sa pagkahimo natong palatayanan nga kaagayan sa kinabuhing walay kataposan—Juan 7:37-39; Fil. 1:24-25.